

Mustafa Redžepović (18.2.1948 – 26.1.2022)

Rođen je u Tuzli 1948.godine. Šah je naučio u osnovnoj školi. Rano je počeo sa teorijskim izučavanjem umijeća šahovske igre. Brzo je postao jedan od najperspektivnijih igrača Tuzlanskog šahovskog kluba, majstorski kandidat i član prve ekipe *TŠK* odmah po njegovom osnivanju.

Jedan je od osnivača i prvi predsjednik ŠK „Tušanj“ (1972. godine) i ŠK „Zmaj od Bosne“ (1992. godine).

Prepoznatljive su njegove kvalitetne organizacije šahovskih takmičenja kao što su memorijani turniri „*Kapija*“ i „*Meldin Hajdarević*“, te Tuzlanski međunarodni turniri 2003-2008.godine.

Kao igrač stekao je titulu majstorskog kandidata, a kao šahovski sudija nosilac je najviše titule Međunarodni sudija.

Bio je dugogodišnji sekretar Šahovskog saveza Tuzlanskog kantona, a obavljao je i funkciju dopredsjednika Šahovskog saveza BiH, odnosno Šahovske unije BiH u periodu 1991-1998.godine.

S punim uvažavanjem odnosio se prema svojim kolegama, krajnje korektan i susretljiv bio je prema kolegama, volio je mlade šahiste i imao puno razumijevanje za njih, njihove potrebe i nesnalaženja, a za sve ostale koji su komunicirali s njim imao osmijeh i blagu i toplu riječ.

Volio je čovjeka, bez obzira na njegovo etničko, religijsko ili bilo koje drugo određenje, šireći razumijevanje i uvažavanje drugog i drugačijeg.

Jednostavno kazano, bio je dobar čovjek čije su se dobrota i kvalitet jasno odražavali u svemu što je radio.

Odlaskom IA Mustafe Redžepovića, u našoj šahovskoj porodici ostala je praznina koju možemo popuniti samo najljepšim sjećanjima i ponosom što smo imali takvog čovjeka i odlučnošću da dobro koje je činio Mustafa razvijamo dalje.

Izvor: Atić B.Šah u Tuzli i tuzlanskom kantonu, Tuzla, 2010:31-32